



Broj predmeta: 02-000049/20
Broj akta: 01.1-1141SM-178/20
Datum, 28.4.2020. godine
Mjesto, Brčko

Na osnovu člana 16. i člana 17. Zakona o Vladi Brčko distrikta Bosne i Hercegovine („Službeni glasnik Brčko distrikta BiH“, broj: 22/18 – prečišćeni tekst, 49/18, 8/19, 10/19 i 32/19) i Odluke o imenovanju Štaba za zaštitu i spašavanje Brčko distrikta BiH, broj predmeta: 02-000049/20, broj akta: 01.11-0566LO-006/20 od 13. 3. 2020. godine, broj akta: 01.11-0566LO-012/20 od 13. 3. 2020. godine i broj akta: 01.11-0566LO-020/20 od 16. 3. 2020. godine, a u skladu s članom 18. tačkom o), članom 19. tačkom a), članovima 35. i 37. stavom (1) Zakona o zaštiti i spasavanju ljudi i materijalnih dobara od prirodnih i drugih nesreća u Brčko distriktu Bosne i Hercegovine („Službeni glasnik Brčko distrikta BiH“, broj: 29/16 i 33/16), Odlukom o proglašenju stanja prirodne nesreće zbog COVID-19 (korona virus), broj predmeta: 43-000096/20, broj akta: 01.1-1141SM-001/20 od 13. 3. 2020. godine, u vezi s Odlukom o proglašenju ugroženosti stanovnika Brčko distrikta BiH od epidemije zarazne bolesti – korona virusa (COVID-19), broj predmeta: 02-000049/20, broj akta: 01.11-0566LO-001/20 od 11. 3. 2020. godine i broj akta: 01.11-0566LO-003/20 od 12. 3. 2020. godine, članovima 5. i 6. Poslovnika o načinu rada i rukovođenju Štabom za zaštitu i spašavanje Brčko distrikta BiH, broj predmeta: 02-000057/20, broj akta: 01.11-0566LO-004/20 od 20. 3. 2020. godine i broj akta: 01.11-1161DS-010/20 od 23. 4. 2020. godine, na prijedlog Odjeljenja za zdravstvo i ostale usluge, broj predmeta: 05-000286/20 od 28. 4. 2020. godine, nakon održane telefonske sjednice Štaba, komandant Štaba, gradonačelnik Brčko distrikta BiH dana 28. 4. 2020. godine i z d a j e

N A R E D B U

O IZMJENI NAREDBE

broj predmeta: 02-000049/20, broj akta: 01.1-1141SM-143/20 od 17. 4. 2020. godine

Član 1.

U Naredbi, broj predmeta: 02-000049/20, broj akta: 01.1-1141SM-143/20 od 17. 4. 2020. godine u članu 1., pasus 8 mijenja se i glasi:

„Građani Brčko distrikta Bosne i Hercegovine koji ulaze iz inostranstva na teritoriju Bosne i Hercegovine, nakon procesa u trijažnoj ambulanti, smještaju se u šatorsko naselje na stadionu FK Jedinstvo, do utvrđivanja postojanja uslova za kućnu samoizolaciju.

Ispunjavanje uslova za kućnu samoizolaciju utvrđuje Ured gradonačelnika / Inspektorat.

Postojanje uslova za kućnu samoizolaciju podrazumijeva najmanje jednu prostoriju u kojoj će boraviti lice u samoizolaciji, a koja je odvojena od korištenja ostalih ukućana i ima odvojen mokri čvor.

Ukoliko ne postoje uslovi za kućnu samoizolaciju, građaninu Brčko distrikta BiH koji je ušao iz inostranstva na područje Bosne i Hercegovine rješenjem šefa Odjeljenja za zdravstvo i ostale usluge određuje se mjera karantina u trajanju od 14 (četnaest) kalendarskih dana.

Vrijeme provedeno u karantinu uračunava se u vrijeme trajanja mjere kućne samoizolacije.“

Član 2.

Ova naredba stupa na snagu danom donošenja, a primjenjuje se od 30. 4. 2020. godine, i objavit će se u „Službenom glasniku Brčko distrikta Bosne i Hercegovine“.

DOSTAVITI:

1. Uredu gradonačelnika
2. Zamjeniku gradonačelnika
3. Glavnom koordinatoru Vlade Brčko distrikta BiH
4. Odjeljenju za zdravstvo i ostale usluge
5. Svim odjeljenjima Vlade (12x)
6. Uredu gradonačelnika / Inspektorat
7. Sekretarijatu Vlade (3x)
8. Policiji Brčko distrikta BiH
9. Članovima Štaba (34x)
10. Ministarstvu sigurnosti BiH, terenski centar Brčko
 - Služba za rad sa strancima, Trg mladih br. 8
11. Ministarstvu sigurnosti BiH – Granična policija BiH
12. Institucijama Brčko distrikta BiH (8x)
13. Crvenom krstu/križu Brčko distrikta BiH
14. JZU „Zdravstveni centar Brčko“ Brčko distrikt BiH
15. JZU „Zdravstveni centar Brčko“ Brčko distrikt BiH
 - Higijensko-epidemiološka služba
16. Odjeljenju za zdravstvo i ostale usluge
 - Pododjeljenju za javno zdravstvo
17. Javnim preduzećima, fondovima i zavodu (7x)
18. „Službenom glasniku Brčko distrikta BiH“
19. Arhivi.

GRADONAČELNIK

Mr. sc. Siniša Milić